

太原府志卷二十五

封爵

古聖王建邦設都樹后王君公於是乎封爵之典行焉  
太原自臺駘肇封汾川而後歷唐虞夏商周迄於勝國  
數千年間或分封茅土或拜爵名藩代不一人人不一  
姓錫茲土者可謂盛矣夫河山帶礪之誓所以崇德報  
功按籍而稽循名責實是亦考古者得失之林也志封  
爵

上古

臺駘左傳鄭公孫僑曰金天氏之裔子曰昧生臺駘能業  
其官宣汾洮障大澤以處太原帝用嘉之封諸汾川  
杜預注太原晉陽也臺駘之所居

實沈左傳高辛氏二子伯曰闕伯季曰實沈帝堯遷實沈於大夏主參唐人是因以服事夏商 杜預注大夏今晉陽縣唐人若劉累等

陶唐前編堯年十三佐帝摯封植受封於陶年十五復封於唐

按黃帝之子首食於祁而世厥王帝堯生於丹陵徙於祁故亦姓伊耆謂耆祁平一字也故今祁地北四十里曰堯城南五十里曰半陶均稱帝堯始封地

虞

丹朱左傳襄二十四年晉士甸曰甸之先自虞以上爲陶唐氏 杜預注陶唐堯所治地太原晉陽縣也終虞之世以爲號 又晉蔡墨曰陶唐氏旣衰其後有劉累字

擾龍於豢龍氏以事孔甲賜氏曰御龍以更豕韋之後  
杜預注以累代彭姓之豕韋春秋疏云累遷魯驪豕  
韋復國累裔孫猶守故地至商而滅累之後世復承其  
國爲豕韋氏商末豕韋氏國於唐爲唐公成王滅唐遷  
於杜爲杜伯其子隰叔奔晉四世及士會爲范氏

商

箕子尙書註鄭康成以爲微箕俱在圻內孔傳雖不言亦  
當在圻內也左傳晉敗狄於箕杜預注太原陽邑

有箕城

陽邑卽太  
谷縣故名

周

晉姬姓侯爵周成王九年甲午封弟叔虞爲唐侯毛詩  
陸氏曰唐者帝堯夏禹所都之墟漢曰太原郡在古冀

州太行恒山之西太原太岳之野 孔穎達正義漢地理志云太原晉陽縣故詩唐國晉水所出東入汾是漢時爲太原晉陽也 史記晉世家唐在河汾之東方百里言百里則堯爲諸侯所居 又曰唐有亂政成王滅唐遂封叔虞 又曰成王與叔虞戲削桐葉爲珪以與叔虞曰以此封若史佚因請擇日立叔虞成王曰吾與之戲耳史佚曰天子無戲言言則史書之禮成之樂歌之於是遂封叔虞於唐 叔虞字子千傳十世至文侯平王命爲侯伯錫之秬鬯珪瓚作文侯之命子昭侯封其叔父成師於曲沃晉始分爲二以翼曲沃別之昭侯之後傳四世至晉侯緡爲曲沃武公所併請命於周以一軍爲晉侯至獻公子文公定襄王於郊出穀戍釋宋

圍敗楚城濮遂合諸侯於踐土襄王策命爲侯伯晉於是世主夏盟傳五世至悼公周二駕而楚弗能爭平公時政在六卿晉楚分霸昭頃而下公室益卑齊鄭判晉盟鹹晉始失霸十四年逐范中行氏智氏暨韓趙魏氏並強定公卒子出公奔齊哀公時韓趙魏滅智氏而其地幽公時獨有絳曲沃二邑烈公十九年周命韓趙魏列爲諸侯號曰三晉靜公二年三晉共滅晉廢靜公爲家人晉祀遂絕

沈 妘 蓐 黃 左傳臺駘封於汾川沈妘蓐黃實守其祀 杜預註四國臺駘之後晉滅之

按四國皆在汾水之上

趙其先與秦同祖史記蜚廉有子曰季勝季勝三世爲造

父以善御幸於周穆王得驥溫驪騊駼耳之馴西巡  
狩樂而忘歸徐偃王之亂造父爲細長驅歸周以救亂  
穆王以趙城封造父造父族由此爲趙氏傳七世至幽  
王時叔帶去周適晉事文侯五世牛趙夙晉獻公賜趙  
夙耿夙生衰輔文公成霸業自衰以下世爲晉卿至襄  
子毋卹北滅代南并智氏六年與韓魏俱立爲諸侯而  
籍國晉陽至武靈王始徙邯鄲時墟地北至燕代西至  
雲中九原立少子何爲王自號主父欲令子主治國而  
自將士大夫從雲中九原直南襲秦滅中山遷其王至  
幽繆王遷滅於秦

秦

太原君白仲武安君起子始皇時追錄起勳封

漢

太原王劉參文帝子二年二月封三年徙王代并得太原郡都晉陽諡曰孝傳子共王登孫剛王義元鼎三年徙王清河

韓王韓信韓襄王孽孫高祖二年自立五年春封王潁川六年春徙王太原郡三十一縣都晉陽尋移治馬邑是年秋北降

祁侯繪賀高祖六年六月封邑千四百戶諡曰穀孫它國除

汾陽侯靳疆高祖十一年三月以破鍾離昧功封諡曰嚴子共侯解孫康侯胡襲元鼎五年改封胡子石爲江鄒

侯

按隋改陽曲爲汾陽漢於崑嵐亦曰汾陽今並存之

鄔侯駟鈞齊哀王舅孝文元年四月封六年國除 史記  
作清源侯

東漢

太原王劉章齊武王續長子建武二年封十一年徙淮陽  
王

陽邑鄉侯馮魴中元二年四月以任司空封子柱嗣尙世  
祖女獲嘉公主至孫定無嗣國除

晉陽侯張楊獻帝在安邑時拜安國將軍封

後漢

新興王劉恂後主子景耀二年封後入晉襲後主安漢公

爵

新興卽  
嵐縣

魏



晉公司馬昭景元四年封咸熙初晉爵爲王增封十郡并前二十郡

晉陽侯張遼黃初初繇都鄉侯晉封增邑千戶并前二千六百戶諡曰剛子虎孫統襲

陽曲侯郭淮嘉平二年以破廖化擒句安功繇都鄉侯晉封邑二千七百五十戶分三百戶封一子亭侯諡曰貞子統襲

汾陽子郭正咸熙中以祖淮勲封

晉

太原王司馬瓌安平獻王第六子武帝初封邑五千四百九十六戶諡曰烈子顯襲咸寧三年徙河間王

太原王司馬輔安平獻王孚子武帝初封渤海王咸寧三

年八月徙封謚曰成子宏襲徙中邱王

晉陽公武洽平北將軍五兵尙書別封大陵

大陵縣公溫羨以從駕討成都王穎功封謚曰元邑一千

八百戶

大陵卽  
文水縣

祁侯李熹泰始初以佐命勲封

樓煩侯姬澹代公猗盧表授

樓煩郡  
屬嵐縣

附

太原王劉闡漢主曜子光始初封

太原王石斌晉咸和五年勒封七年石宏徙封章武王

太原王冉允閔子晉永和六年閔封

太原王慕容恪前燕主皝第四子儁立以戰功封

太原王慕容楷後燕王垂兄子垂署爲征西大將軍封

樓煩公劉虎劉聰封

晉公苻柳健少子

太原公呂纂涼主光長庶子至姑臧封

太原公赫連昌屈子中子鳳翔元年封

太原公姚懿後秦主興子

北魏

晉王元伏羅世祖次子太平真君三年封加車騎大將軍  
八年薨無子國除

太原王元昶永熙三年封

太原王乙渾和平三年正月由東郡公晉封

太原王爾朱榮建義元年四月戊戌封食邑二萬戶後累  
增至二十萬戶子文殊襲

太原郡公元大曹平陽王樂真曾孫高祖時諸王非太祖子孫例降公大曹從優封太原

太原公王獻承明中封太和三年晉封中山王

太原公薛提由歷陽侯晉封弟浮子襲降侯

太原郡公子郊世宗時以后文封子暉襲

太原郡開國公子暉勁子建義四年封

太原郡開國公高澄天平二年封卽齊文襄也

太原公高洋武定五年封卽齊文宣也

晉陽公武洽賜田大陵子克巳襲

陽曲縣開國公斛斯椿莊帝初封食邑千戶改封深澤縣

前廢帝時改封城陽郡開國公增邑五百戶

陽邑縣開國公朱瑞建義初封食邑一千戶尋改封北海

郡開國公

晉陽侯元仙德 封爵年月無考

假榆次侯郭逸世祖時封

祁縣侯王思政孝武初以預定策功封又晉太原郡公

晉陽侯尉力斤諾子眷弟

晉陽伯元贊太和申封

晉陽縣伯李元忠武帝時封邑五百戶子搔襲

壽陽伯郭秀齊神武時以恩倖封

按榆次縣晉析爲壽陽今以例載入

汾陽縣伯韓賢前廢帝時封邑五百戶

太原縣伯王則元象申封

壽陽縣伯郭秀齊獻武王封

大原府志 卷二十一  
晉陽縣伯季元忠以建義功封

汾陽子伊馥神麇初封後晉魏安侯河南公

晉陽男元鷲高祖末封後晉華山王

晉陽男蘇壽興以閹官封養子淑襲

太原公主太祖時封

太原長公主裴詢尙主

附南朝封爵

新興王劉嵩宋明帝第十一子齊受禪降定襄縣公

新興郡王蕭大莊梁簡文帝第十三子大同元年由高唐縣

公晉封

新興王陳叔純宣帝第二十八子至德元年封入隋爲河

北令

太原王陳叔匡宣帝第三十四子禎明三年封

西魏

晉王元缺文帝子

太原郡公王思政以軍功積封後戰敗入東魏

晉陽縣侯王景思政孫

晉陽縣子李欒弼弟大統元年以自梁歸附封邑四百戶  
又以功晉公增邑四百戶

陽邑縣子趙剛大統初封邑三百戶尋晉封臨汝縣伯  
北齊

太原王高紹德文宣帝第三子天保初封河清元年被害  
通考云子辨才襲

太原王婁昭天保初以武明皇后弟追封子仲遠襲改封

濮陽王

汾陽縣伯韓賢子裔襲

太原縣伯王則以功封

太原公主魏孝靜帝后

北周

晉國公宇文護孝閔帝元年正月由中山公晉封邑一萬戶

唐國公李虎天和六年封

太原公王柬天和六年封

太原公王康建德四年封

交城郡公薛端慶之弟子周初繇交城縣伯晉封子胄襲

晉陽縣公王詒以平齊功封宣帝初改封昌樂



新興公主晉公護女妻蘇威

隋

晉王楊廣卽煬帝

晉王楊昭煬帝長子仁壽元年繇河南王改封大業元年立爲皇太子

陽曲侯李恒開皇中封

唐

晉王李治太宗第九子貞觀四年由郟王晉封卽高宗

晉王李普敬宗第五子寶歷元年封

祁王李祺昭宗第七子乾寧四年封

新興王李德良叔良弟武德初封孫晉襲以黨太平公主

誅

太原王李承宗建成長子早卒

新興郡王李誠代宗孫端王遇子

太原郡王武士護武后父以從高祖定京城封太原郡公  
武德中晉應國公咸亨中晉王爵武后時追册先天中  
仍爲太原郡王

汾陽郡王郭子儀至德中封代國公上元三年晉封  
樓煩郡王渾瑊後徙封咸寧王

太原王王處直朱溫表授定州節度天佑元年封入梁改  
封北平王

太原郡王王方翼

晉國公薛稷元超從子以翊贊睿宗勲封後坐知寶懷貞  
謀誅

晉國公王守一先天元年以誅蕭岑功封

祁國公王仁岐元宗時廢后父開元初封子守一繇晉國公襲後被害

晉國公李林甫長平王叔良曾孫開元二十年封

祁國公郭曙子儀第四子

晉國公韓滉貞元二年以屯田勲封

晉國公裴度元和十二年以平淮蔡勲封開成四年薨子  
識襲

晉國公王鐸播從子廣明三年以平賊功封

晉國公田令孜廣明中以從駕幸成都封

晉國公杜讓能昭宗初繇襄陽郡公晉封

新興郡公趙文恪武德二年以佐命公封

太原府志 卷二十一  
太原郡公郭知運開元二年以破突厥功封介休縣公六年破吐番晉封

樓煩郡公跌跌思泰突厥部落開元二年歸降封

太原郡公郭縱曖第三子順宗初以尚漢陽公主封

太原郡公王用臨莊憲太后弟元和元年封

太原郡公王廷湊長慶三年戕成德帥田宏正稱留後太和三年赦其罪封子元達尚壽安公主以破劉稹功復封

晉陽郡公竇易直長慶四年封

太原郡公王播太和元年封

太原郡公白敏中宣宗時封

太原郡公郭仲文

太原郡公王搏

新興縣公王君愕武德初封太宗時從征遼東戰沒贈邢國公

新興縣公馬三寶柴紹家僮從定京師平薛仁果擊吐谷渾封新興縣男貞觀初晉封

清源縣公溫彥將彥博弟諡曰敏

清源縣公王駿開元二年以擊吐番功封清源縣男八年晉縣公十一年徙封中山

清源縣公王嗣忠海賓子開元中封清源縣男天寶四載晉縣公

太原縣公王鉞天寶十載封

太原縣伯王紹懿元達子紹懿卒兄紹鼎子景崇襲後更

封太原縣男

祁縣子溫造太和二年封

清源縣男王兆長壽中以討吐番功封

太谷縣男王海賓太子右衛率豐安軍使

祁縣男王璠建中時封

晉陽縣男白居易太和初封開成中晉廣平縣侯

晉陽縣男郭覲子儀從子

晉陽縣男楊收咸通四年封九年奪爵子鉅乾寧初復封

晉陽縣男楊牧隋越國公素後以籌破南蠻功封

太原縣男王景崇紹鼎子初襲太原縣伯後以平徐寇功

改封尋晉趙國公

新興公主太宗第十五女長孫曦尙主

晉陽公主太宗第十九女年十二薨

晉國公主元宗第九女崔惠童尙主貞元元年徙封

晉陽公主代宗第十三女裴液尙主

清源公主穆宗第五女

新興公主昭宗第九女

晉國太夫人王氏朱溫母

晉國夫人曹氏唐莊宗母

太原郡君王氏汾陽王郭子儀夫人天寶中封

五代

太原王劉智遠晉出帝初封開運二年四月徙北平王

太原王閻寶晉天福中追封

晉王柴榮周廣順三年甲申封卽世宗也

晉王柴熙讓世宗子顯德元年八月封

祁國公符彥卿晉開運初封

晉國公主後唐明宗女石敬瑭尙主

晉國公主周太祖女張永德尙主

晉國夫人夏氏後唐長興四年三月甲辰追冊爲皇后

宋

晉王趙光義卽太宗開寶六年九月封

祁王趙仲僕商王元份曾孫

祁王趙謨徽宗子由鎮國公晉封

祁王趙維理宗子嘉熙二年十一月追封

太原郡王趙仲綜漢王元佐曾孫

太原郡王王景建隆元年正月封



新興郡王吳蓋乾德中以憲聖后弟封

清源郡王何執中徽宗時追封

祁國公趙允升漢王元佐長子皇祐中爵除

祁國公趙承裔魏王廷美孫

祁國公趙宗說漢王元佐孫

祁國公趙宗述鎮王元偁孫

祁國公趙克頴魏王廷美曾孫

祁國公趙克揚魏王廷美曾孫

祁國公趙偲神宗子元祐元年八月封紹聖四年晉永寧

郡王

祁國公趙竑寧宗時立爲皇子封尋晉濟國公

祁國公王潛太平興國初封

晉國公丁謂乾興元年二月封

祁國公杜衍皇祐初封

祁國公王德用仁宗時封尋晉冀國公

祁國公富弼英宗初封尋晉鄭國公

新興郡侯趙從郁英國公惟憲子

清源侯趙仲厥商王元份曾孫

清源侯趙叔紺魏王廷美元孫

清源侯趙叔芬魏王廷美元孫

清源侯趙令格秦王德芳元孫

清源侯趙令簫秦王德芳元孫

清源侯趙士永漢王元佐元孫

清源侯趙士郵商王元份元孫

清源侯趙士園商王元份元孫

清源侯趙士攸商王元份元孫

清源侯趙勣之魏王廷美五世孫

清源侯趙導之魏王廷美五世孫

清源侯趙公邵魏王廷美六世孫

清源侯趙公鉉魏王廷美六世孫

太原郡公王拱辰神宗元豐中封

汾陽郡開國侯郭贄端拱中爲尙書工部侍郎封食邑一

千戶

晉國長公主太宗女真宗初晉長公主又晉大長公主石

保吉尙主

祁國大長公主仁宗第十一女曹詩尙主

唐國長公主神宗第三女下嫁韓嘉政和元年追封

祁國公主寧宗女生六月而薨追封

晉國太夫人孫氏張齊賢母太宗封

遼

晉王隆慶景宗第四子開泰初由梁王晉封

晉王耶律敖盧斡天祚帝長子乾統六年十一月封保大

二年被害

晉王耶律仁先咸雍元年十二月錄遼王徙封

晉王耶律德昌統和二十二年十二月皇太后賜大丞相

齊王韓德昌姓耶律徙王晉皇族魏王子耶魯襲天祚

時皇子敖盧斡襲

晉王道隱義宗子統和元年甲戌錄荆王追封

晉王蕭孝先重熙四年繇楚王徙封

晉王蕭普古景福元年七月封

晉國王蕭孝穆興宗后父重熙十一年繇齊王追封

晉國蕭朮哲孝穆姪咸雍中追封徙封宋

晉國公楊誓咸雍中拜樞密使繇齊國公改封又晉趙王

晉國長公主世宗女保寧間封蕭夏刺尙主

晉國公主聖宗女繇越國晉封景福初晉蜀國長公主

蕭孝忠尙主

晉國長公主興宗女繇魏國徙封蕭窩匿尙主

金

并王完顏允中明昌二年四月甲午繇趙王改封三年晉

封鎬王

晉國王完顏宗翰卽粘罕也天會十三年三月甲午封

晉陽公郭文振興定四年二月封

晉陽公郭棟正大間繼封

汾陽郡公郭寶玉金末封後降元

元

晉王甘麻刺裕宗長子至元二十九年繇梁王改封後追

號顯宗子也孫帖木兒襲大德六年承統卽泰定帝

晉王八的麻亦兒間卜泰定元年封天歷元年殞於上都

并王晃火帖木兒泰定二年繇嘉王改封

汾陽王別帖木兒濶端太子孫延祐七年封

茶合斛太王太祖次子太宗八年撥太原四萬七千三百

三十戶十年增正定深州一萬戶延祐六年實有一萬

七千二百一十一戶絲六千八百三十八劬

伯八千戶勲臣憲宗七年撥太原一千一百戶延祐六年實有三百五十一戶絲一百四十劬

按察兒官人勲臣定宗二年撥太原五百五十戶延祐六年實有九十八戶絲二十九劬

明

晉恭王桐太祖第三子母高皇后也戊戌年十二月十八日生學文於宋濂學書於杜環洪武三年四月初七日封十一年四月十六日就藩太原中道笞膳夫上戒之桐脩目美髯顧盼有威多智數嘗裂人以奔馬或告桐藏兵五臺山中皇太子請巡邊與俱來乃巡歷燕代及晉與桐昆弟飲甚驩浹旬借至河南太子告之故令入

朝廢爲庶人與太子友愛彌篤日夜號泣悔罪詔復其爵聽歸藩更以恭慎聞待長史桂彥良汪河皆有禮二十六年命總宋國公馮勝兵與燕王同出塞欄行不及燕王第築城於下水切責之洪武三十一年四月十六日薨葬駝山妃謝氏左武傳晉封永平侯成女子定王濟熿嗣其弟平陽王濟熿幼狼戾濟熿旣嗣王濟熿嗾其弟慶成王濟炫等日訴濟熿過於朝又誘官校文致其罪歷八年不已永樂十二年奪濟熿爵與世子美圭皆爲庶人立濟熿爲晉王濟熿旣立驕姿暴橫毒弑嫡母謝氏逼烝恭王侍兒吉祥幽濟熿父子蔬食不給恭王宮中老媪走訴成祖乃卽獄中召晉府故承奉左微問之盡得濟熿構濟熿狀立釋微命馳召濟熿幽空室



已十年及微至釋濟熿父子相抱持大慟謁行在所成  
祖惻然封美圭平陽王使奉父居平陽予以恭王故連  
伯灘田濟熿不與美圭田美圭上言連伯灘地隸平陽  
不隸太原因及曩誣構事仁宗遣人視地果隸平陽又  
書諭濟熿濟熿益怨望廣致妖巫詛咒不輟宣帝卽位  
濟熿密遣人結高煦寧化王濟煥告變比擒高煦又得  
濟熿交通書濟熿使高煦人懼罪及亦首實上書諭諸  
王去歲高煦反罪人旣得奸黨人皆言趙晉二王實與  
謀予未忍信今晉府人累上變告徐察之有驗不誣趙  
王自知事不可掩已辭護衛濟熿得罪宗社不敢以私  
親廢大義謹遵祖訓免爲庶人幽鳳陽同謀妖巫官屬  
悉論死時宣德二年也乃復封濟熿爲晉王宣德十年

薨諡曰定妃傅氏潁國公友德女子憲王美圭嗣正統  
六年薨在位七年壽四十三庶長子莊王鍾鉉以正統  
七年自榆社王嗣宏治十五年薨在位六十一年壽七  
十五世子竒源及其子表榮皆前死表榮子端王知焯  
嗣追封竒源靖王表榮懷王知焯七歲而孤能盡哀居  
母喪嘔血芝生寢宮在位三十一年壽四十五嘉靖十  
二年薨妃殷氏無子再從子簡王新塏嗣靖王庶子新  
化王表謙榮澤王表檉皆懷王弟端王諸父也表謙前  
死諡恭裕子知慚嗣爲新化王亦前死諡端和二子新  
塏新橋端王請新塏嗣新化王未封而端王薨表檉謀  
攝府事端王妃王氏曰王無後次及新化王今有孫新  
塏在卽名入爲喪主表檉疏言新塏端和王長子不得

爲人後新塏宜嗣新化王新塏宜嗣晉王禮部議新塏  
宜嗣追封祖表棟安王父知燦康王新塏母太妃尚氏  
嚴教子以禮太妃疾新塏叩頭露禱吏士長史有敷陳  
輒拜受教其老也以弟新塏子慎鏡攝藩事萬歷三年  
薨慎鏡亦薨弟惠王慎鋹嗣追封慎鏡敬王七年薨子  
穆王敏淳嗣請於朝封新塏爲和王三十八年薨子求  
桂嗣李自成陷山西脅求桂入京不知所終

晉王濟熿恭王第三子永樂十二年由平陽王晉封宣德  
二年因高煦事廢

寧化王濟煥恭王第五子府在晉府西宣德八年封諡懿  
簡子億順王美壤襲薨子鍾炳襲以罪幽卒長子竒灑  
亦卒追嗣悼康王子康和王表棟襲薨子知燧襲諡恭

端薨子新壠襲薨諡莊定子慎鑿嗣封

廣昌王濟焯恭王第七子府在晉府西永樂初封諡悼平  
子安僖王美堅襲無嗣

交城王美垸晉定王第二子國平陽諡榮順子莊僖王鍾  
鑿襲薨子榮惠王奇焜襲無子以莊僖第三子鎮國將  
軍奇瀟子榮端王表杙襲晉鎮國榮僖王榮端薨無子  
以莊僖第六子鎮國將軍奇泚子端和王表相襲晉鎮  
國恭簡王端和自陳昌封准終身王薨爵除

陽曲王美琬晉定王第三子國平陽諡榮靖子鍾鍍襲以  
罪廢子孫以鎮國將軍遞降管府事

方山王美垣晉定王第五子府在廣昌王府西正統二年  
封諡莊憲子昭僖王鍾鋌襲以罪廢子孫以鎮國將軍

遍降理府事

臨泉王美塔晉定王第六子府在晉府西正統二年封謚  
莊簡子悼昭王鍾鏤襲薨子榮穆王竒溷襲薨子表杓  
先卒年十七追封莊靖王子知焯襲無嗣

靈邱王美堦晉定王第七子府在晉府西正統二年封謚  
簡靖子端惠王鍾鋌襲薨子恭僖王竒渲襲薨子表樟  
襲無嗣

寧河王美壩晉定王第八子府在晉府北正統二年封謚  
康僖子安憲王鍾鏤襲薨子穆簡王竒沅襲薨子榮莊  
王表楠襲薨子恭懿王知焄襲薨子定惠王新暉襲薨  
無子除

徐溝王鍾鐸晉憲王第二子府在省城正統六年封謚悼

僖年二十五無嗣

河東王鍾鏞晉憲王第三子府在晉府東南正統十三年封諡昭靖子榮安王竒淮襲子鎮國將軍表枋先卒子榮懿王知炯襲追封父爲恭憲王榮懿薨子端穆王新墳襲薨子慎鍵襲

太谷王鍾鉉晉憲王第四子府在省城正統十四年封諡懷僖無嗣

義寧王竒洪晉莊王第二子府在晉府東天順二年封諡榮康子僖裕王表規襲薨子端靖王知懋襲薨子康定王新塏襲薨子慎鉉襲

河中王竒溶晉莊王第三子府在晉府東成化元年封諡悼懷子康簡王表梈襲薨子知炬襲

襄陰王竒澗晉莊王第四子府在晉府東成化五年封諡  
安惠子宣懿王表榘襲無嗣

親化王表謙晉靖王第二子府在晉府西正德五年封諡  
恭裕子端和王知燭襲薨子新垣晉封晉王

安溪王表榘晉靖王第三子府在省城以鎮國將軍卒正  
德三年追封諡懷僖無嗣

靖安王表秩晉靖王第四子府在省城正德六年封諡康  
僖子知燭襲諡恭懿子新環嗣封

旌德王表楫晉靖王第五子府在晉府東正德五年封諡  
懷安子榮穆王知燭襲無嗣

榮澤王表標晉靖王第六子府在晉府東北正德七年封  
諡安懿子端簡王知燭襲無嗣

太原府志 卷二十一 三  
清源王幼圻瀋康王第三子正統十一年封博學能文有  
飲河集二十五卷續集八卷家訓詠史詩謚莊簡子榮  
僖王詮鎔襲薨子端和王勛瀟襲薨子印柺襲輔國將  
軍勲漣字叔文嗜吟詩與從子印杉印柠印析及諸名  
士賡和皆清源之後也

太原郡侯王鼎太平府院判太祖卽吳王位追封

太原郡侯許瑗庚子閏五月太平死事洪武年追封

太原郡侯王道同處州死事洪武年追封

太原郡侯王勝鄱陽湖戰歿洪武年追封

太原郡伯王峻住鄱陽湖死事洪武年追封

榆次伯張廉宣德七年追封謚忠敏

清源伯冀傑宣德中追封謚忠壯



太原長公主仁祖女適王七一洪武初追封命有司具禮  
改葬



太原府志卷二十六

陵墓

風俗通曰王公墳壟稱陵又墓者慕也其人可傳後世思而慕之曰墓然而石馬嘶風辟邪臥草不轉瞬而牧童樵叟莫辨爲誰氏之墳者比比也惟勲著當時德傳奕禩禁柳下之樵蘇置信陵之守塚一杯雖掩千載如新憑弔荒邱有低徊而不忍去者若夫名因地誤人與境殊前代流傳姑從闕疑之例志陵墓

陽曲縣

漢軹侯薄昭墓相傳在縣北三十五里北山頭

唐鄖國公殷開山墓在縣西山上名嶠唐將圖形凌烟閣

謚節貞

五代太師周德威墓在縣西北十里

白子西墓在縣西北五十里亭子山名翱縣人嘗讀書山中沒葬此

高望墓在縣北

宋鄭王潘美墓相傳在縣東北七十里潘園村

魏國公馮純墓在縣北

明晉憲王莊王靖王懷王墓胥在縣北三十里劉莊

惠王墓在縣北十五里光社村

寧河懿簡王墓在縣西四十里寧文村

廣昌悼平王墓在縣北十二里尹家溝

方山莊憲王臨泉莊簡王墓胥在縣東南十里狄村

靈邱簡靜王墓在縣北二十五里谷旦村

寧河康僖王安憲王溫簡王榮莊王恭懿王定惠王河  
東昭靖王義寧榮康王新化恭裕王墓胥在縣北二十  
里新店

河東悼懷王墓在縣南二十里馬莊

襄陰安惠王墓在縣東南二十里

新化安溪懷僖王墓在縣北澗村

靖安康僖王墓在縣北十里白楊樹村

靖安恭懿王墓在縣東北十里

旌德懷安王墓在縣東二十里閘馬村

榮澤安懿王墓在縣北二十里南窰村

晉恭王妃享堂在縣東北角二里許

長春公主墓在縣西北屯村南王村相傳葬永樂長春

公主并駙馬都尉 按成祖七公主永安永平安成威  
寧常寧清河正定無長春公主惟威寧適西寧侯宋瑛  
戰沒陽和而明制公主駙馬胥陪陵其葬陽曲傳疑可  
也

傅國公墓相傳在縣西王村北舊志清源縣有苗裔  
按明潁國公傅友德子忠女爲晉世子濟熿妃宏治中  
晉王又爲友德五世孫瑛求襲封則傅氏墓當有之而  
亦未能定其爲潁國公也

尚書周莊懿瑄墓在縣西大學士劉翊誌銘

禮部尚書周文端經墓在縣西裴村大學士楊廷和誌  
銘

都御史陳璘墓在縣東南二十里馬莊兵部尚書韓邦

奇誌銘

都御史陳璧墓在縣東南二十里東岡

侍郎張頤墓在縣東陳家峪勅葬

御史張文明墓在縣東一里舊雨壇後勅褒忠諫贈太常卿

侍郎侯綸墓在縣東南郝莊子汝諒都御史同域侍郎程文德誌

府尹萬自約墓在縣北十五里光社村

布政使王道行墓在縣東十里松莊

御史薄彥徽墓在縣北北山頭

國朝通政叅議裴希度墓在城北南窰村

太原縣

周唐叔虞墓相傳在縣西南一十五里嶺上俗稱晉王墓

又曰晉王嶺舊經云其子晉侯燹墓亦附焉

翼城縣有虞叔墓

北齊彭城太妃墓在縣北十五里石堂頭爾朱榮之女神

武帝妃布誌石

司空左深墓在縣北三十里井谷村高歡別將立功東魏舊誌有碑名深字洪貴南陽人雍州刺史封武陽侯贈司空謚武烈碑今亾

丞相斛律金墓在縣西南十五里光之父封咸陽王

唐閻將軍墓在縣西南十里

柱國呂斌墓在縣西南十里索村

尉遲敬善墓在晉王嶺南鄂國公尉遲敬德從弟

後唐廢帝母宣憲皇后魏氏陵在縣境清泰初追尊爲皇



太后議建陵寢而太原石敬瑭拒命乃於河南府東建立寢宮

李存進墓在縣東北三十里鄭村

李存孝墓在縣西七里峪口

太師符存審墓在縣西南

晉駙馬史匡翰墓在縣東北三十里皇陵村陶穀撰碑匡翰

建瑭之子也

北漢劉氏墓在縣西南三十里天龍谷中墓額云大漢英武園陵宏治間為寺僧所毀石昏亭尚存

周淑妃舊墓在縣近郊周太祖事漢高祖於太原天福中繼室楊氏卒遂葬太原之近郊廣順元年追冊淑妃太祖葬嵩陵世宗詔營陵側為虛墓以俟顯德元年攻太

太原府志 卷二十一  
原閉壁被圍乃遷妃而葬之

宋呂氏先墓在縣東北二十五里吳村呂公弼之高祖也  
公弼帥太原時有奠謁詩在崇福寺今廢按呂公弼  
平章軍國重事夷簡子平章軍國重事公著兄

邢昂墓在縣西南十里晉祠奉聖院南原上昂高蹈不  
仕張景儉表其墓寇準文彥博陳堯佐范仲淹皆贈詩  
刻於石

明晉恭王墓在縣東北三十五里許東陽駝山之陽按  
陽曲志王墓在東南二十里亦稱駝山蓋二縣界也考  
通志府志胥屬太原縣宜專志太原爲是

高副憲墓在縣西南一十五里柳峪口南有祠堂

工部尚書王永壽墓在縣西十里風谷山店頭勅造

御史王鑑墓在索村南古晉祠廟左

吏部尚書王瓊墓在縣西北七里蒙山之麓勅遣禮部尚書霍韜撰神道碑

鄭伯陽墓在龍山之東伯陽名大元傳山題云有明處士伯陽先生之墓

榆次縣

周智伯墓相傳在縣東南三十里智伯死鑿臺下趙襄子取其頭爲飲器國人刻木頭以葬今名其地爲神頭村白起墓相傳在縣西南四十里南莊按白仲封太原相傳已久存以傳疑

後趙冉閔墓相傳在縣東南二十里張胡村閔爲慕容儁所殺謚武悼大王

元魏左僕射郭祚墓在縣東八里源渦村

杜何拔墓在縣東南鹿蹄山永熙二年除龍驤將軍中散大夫平鄉子武定四年卒大統年葬皆魏年號舊志爲梁誤 按通志云在縣東南鹿蹄山今考縣志在麓臺村西北三里許當以縣志爲據

北齊白顯墓在縣東北二十五里要店村起之裔以子建貴贈開府儀同三司墓前有石羊二碑刻磨滅

安德郡王韓軌墓在縣東北四十里韓村寨

可朱渾元墓在縣東八里源渦村封扶風王假黃鉞贈太宰錄尚書配享廟庭

祁丞相墓在縣東南三十里西祁村有碑字殘缺

唐單雄信墓相傳在縣東八里源渦村

郝忠墓在縣東南十里西塢村西南一里許有碑刻今磨滅

太保李良臣墓在縣北十里趙村西李宗閔撰神道碑曰貞元十一年八月葬於太原府城東南孝敬原子光進令狐楚撰碑光顏李程撰碑亦曰葬於太原縣東孝敬原縣志五墓並列今止存其一良臣阿跌氏世爲河曲部長貞觀中內屬襲雞田刺史賜姓李

金州司馬張行墓在縣古城北十里

五代樞密使贈太師趙玘璠墓在縣南五里郭村

宋王府君墓在三徙鄉郭社里有誌銘通志府志俱逸今據縣志採入

元登封尉杜懷玉墓在縣北中杜村西南半里許

教授胡巨源墓在縣東南三十里莊子村

平晉尹康庸墓在縣龍白村北十里許石上三塚並存  
贈清源尹孟祥墓在縣福堂村南一里許翁仲猶存

明晉端王墓在岡頭村西南

晉簡王墓在岡頭村西

敬王墓在蘇村西北

端王妃王氏墓在岡頭村南塚有三

端王夫人阮氏墓附妃墓側都御史太原陳鏐按察副  
使雲閒陸深撰墓表二碑並存

兵部侍郎寇天敘墓在縣西北一里勅葬太常卿呂樞

誌

御史贈光祿少卿周鈇墓在縣南西凹之原

祭酒閻樸墓在縣西北一里許古城南

京兆尹李敏墓在中郝村南岡勅葬

尚書稻欽墓在縣西南十五里修文村

布政使寇陽墓在天敘墓東南

贈御史張九河墓在縣北三里許王胡村南

國朝布政使桑芸墓在縣北十五里聶店村南

使張村古墓在村西百步許無碑誌相傳甚久不知何時

塚

蘭交古墓

舊志云墓在蘭交半山間穿石爲壙壁有字

皆漫滅內唯咸亨四年歲次癸酉猶彷彿可識今考在

北蘭交村西一里許北崖上有石洞洞中遺像一餘無

跡可尋

按舊志以咸亨二字遂直指爲唐人墓或又

以藺交謂卽其人姓名則愈鑿矣

太谷縣

周龐涓墓相傳在縣東南七十里馬陵關半山

吳塚在縣西北十五里郭村南前二後五七塚相聯無  
文可考不知世代相傳爲吳塚

楊長墓在縣東二十里杏林村北

元魏冠軍將軍趙黎奴墓在縣東十里石象村

北齊常侍翟嵩墓在縣南七里咸陽村時稱翟夫子

唐孝子劉明達墓在縣北水秀村東七里名明達貞祐中

封金吾上將軍

房元齡墓相傳在縣西南十五里白城村南

奉訓大夫京兆咸寧令冀天寵墓在縣東三十里白念



村西北郭天麟撰文

金蒲察阿魯答墓在縣東南二十里惠安村金吾上將軍有墓記

元伴讀郝宗顏墓在縣東北二十五里大白村善書大字文廟匾額多出其手

常飛虎墓在縣東南二十里四卦村傳名大將軍墓碑剝落尚在

明李指揮墓在南門外名珩正德間封護國將軍有碑誌副使陳壁墓在城南禮部尚書劉龍誌銘

叅政趙體敬墓在縣東二里許

祁縣

周大夫祁奚墓在縣南七里榮仁村北碑剝落按太平

寰宇記奚墓在聞喜東二十二里

祁午墓在奚墓右

漢隱士周黨墓在小韓村東南

護羌校尉溫序墓在縣西北修善村建武中死節光武賜葬洛陽其子夢序言久客思故鄉乃遷葬於此

司徒王允墓在縣西北修善村

梁大司馬王僧辨墓在縣東南大桑村北

北齊晉昌王唐邕墓在大韓村

應州刺史唐義墓在小韓村按唐邕子君明隋開皇

初終應州刺史當卽其人

太常卿唐鑑墓在小韓村唐邕墓西南

韓彥祖墓在白圭鎮西南

唐范鑾冢在縣西六里白圭村沙城南

黎國公溫大雅墓在縣東北五里會善村東

清河郡公溫大有墓在縣東北

處士段大隱墓在東六支村段干木之裔

元尚書程日新墓在縣東北十里高村

明知縣郭秩墓在縣東三里三及村南

大理寺少卿古鏞墓在縣東北一里

御史楊璉墓在縣南六里下申村西南

知府龐瑄墓在縣東三十里南梁村

副使閻睿墓在縣東北二里會善村南

知縣閻繩芳墓在睿墓右

工部郎中李熹墓在縣東三里會善村南

贈員外郎馬天祿墓在縣東三里三及村北

布政使戴光啓墓在縣東南四十里王斜川南

贈都水司郎中李鑰墓在縣東三里會善村南

知州李自問墓在縣南二十五里南建安村西

承德郎戴賓墓在縣東南十八里圓臺溝北

舉人馬雲駟墓在縣東北三十里魯村南

徐溝縣

清源鄉附

唐李淳風墓舊在縣北同戈驛明嘉靖年間平地塌出小碑有改葬白圭南之句遂移葬於白圭南墓今存按李淳風其先太原人後徙岐則徐溝客或有墓焉

魏蠻王墓在清源鄉南十七里後魏正平元年蠻王安來朝死葬於此因名曰青堆村

元編修趙麟墓在縣南清德村

明府尹王福墓在清源鄉平泉大學士商輅撰誌銘

御史羅賢墓在清源鄉西南一里

叅政王忠賢墓在清源鄉西南一里

少卿杜馴墓在縣西北王答村有碑記

給事中常泰墓在縣東門外有碑記

國朝刑部郎中閻毓偉墓在縣東北有碑記

交城縣

周王交墓在縣西南汾水上金大定中東岸崩得古墓有鼎十餘鐘磬各數十鼎有蓋者幾三尺其中寶物猶存鐘磬小者僅五十大者至三尺凡十有二今器不存而墓址尚有微跡考一統志府志通志僉曰三交墓則上

遺周字下易王字矣不知何所據今姑存疑

孤突墓在縣西北馬鞍山宋宣和五年封利應侯子毛偃胥祔葬三墓今存鄉人建廟以祀之

趙襄王墓在城西北隅本趙襄子後訛爲襄王

唐監軍張承業墓在縣西南十五里洪相村 按胡致堂曰承業居唐官終其身義也縣志稱後唐宜從通志府志去後字

五代晉高祖陵相傳在縣西北六十里近爲河水所沒節度安允信墓在張監軍墓西

元樞密婁秀墓在縣東北二里

冀國公郝天挺墓在縣北二里

覃元帥墓在縣西北二里一名資榮一名資月

記

宏農郡公覃澄墓在前元帥墓側

宣慰謝君寶墓在縣狐神廟右有碑碣

將軍謝仲溫墓在宣慰墓下有碑記

嘉議大夫謝沒歡墓在宣慰墓下有碑

元帥解義墓在縣西北五十里社村虎昂山上有碑記

叅議中書省事張德輝墓在縣西二里瓦窰河東有碑

明知州解一經墓在縣東北一里吏部尚書楊巍書碑

方伯胡體乾墓在縣西南龍王廟右

侍御常茂墓在縣東二里許陽渠村

給諫韓祐墓在縣西南十里定安村

給諫解一貫墓在縣北三里坡底村

知府李景墓在縣北里許

侍御李天賦墓在縣北里許

國朝侍御李之奇墓在縣西瓦窰村

給諫武攀龍墓在縣北卦山之麓王維珍誌銘

保定府同知常大忠墓在縣西北八里安定都桃塔巖

文水縣

隋孝子韓子誕墓在縣南十九里

唐荊州都督武士彟墓名攀龍臺勅李嶠撰記

宋邢鑑墓在縣西百步許有碑

郎中牛拱辰墓在縣西北八里有碑字多剝落

元李進士墓曰秀曰遜曰信曰讓曰徵曰光祖一門六進

士俱邑人在縣東北五里昇泉都



丞相梁錦陽墓揭侯斯撰碑長子僉事簡次子尚書蘭  
三子布政使璣四子知縣璇孫御史政遠墓胥在李端  
鎮東

尚書王雲墓在雲周村歐陽鉉撰碑

明知縣馮憲墓在縣西龍玉山麓

副使郭廷冕墓在縣西北五里峰子崑

府尹田疇墓在縣北八里西山麓

知州嚴三省墓在縣西一里許

主事鄭之僑墓在縣西北二十五里文谷口南浦山

叅戎郭畹墓在縣西北五里西山麓

知縣李喬墓在縣北三里

大叅王在臺墓在縣北十里西山麓

國朝湖廣總督胡勤毅全才墓在縣北七里西山麓  
湖廣提督學政鄭崑璧墓在縣西北五里西山麓  
給事中鄭崑璽墓在縣北二十里文峪口

岢嵐州

宋武安軍節度使折克行墓在州西北三里折家祠

元都元帥郭周墓在州東四十里黃道川

明御史牛宣墓在州北鳳凰山下兵子坡

知縣贈光祿寺丞王鼎墓在州東二里翰林孫紹祖撰  
碑

按察使武清墓在州北漫天嶺

贈左都督叅將邱陞墓在州北四十里三井村

嵐縣

元魏皇姑墓在縣東南風后山爾朱氏女也

興縣

元興州判官馬英墓在縣北

國朝提督贈少保張旺墓在康寧莊常升原錢以塏誌銘